

玉京萬法大羅尊 千重寶範德玄言
 碧霞絳雲列眾道 玉闕金闕數真文
 偃定高真遊至空 八極飛神度無邊
 鬱鬱昭昭萬炁中 吐聲如嬰炁成文
 振動梵天是空道 靜明法耀擁慈雲
 超關昏衢北羅鄴 列上金簡還靈明
 炎炎火池成清涼 解刀挫鋒悉摧紛
 豁散業境空法力 保召罪性來吾壇
 天尊聖濟本無際 萬天萬地承真元
 莫有不從不化度 超凌三界佐虛玄
 隨心所召願心歸 仙信梵言如甘泉
 一聞百骨解熱腦 朱陵開度成至玄
 超凡大道入慈悲 不濯巨細惟翻覆
 華夏泠冷引汝鬼 迢迢獨步紫虛天
 冥闕幽路億劫不親於陽光玉字金章瞬息
 可提於陰暗惟四生之流浪洎六道之沉淪
 幸詣玄壇將散法供養念高生一類業報多
 岐胎卵濕化之受形或殊過去來今之因緣
 未脫洪慈曲憫丹篆昭垂俾完復於人形方
 道達於仙路冀九天普度之官吏遵太乙玉

帝之慈悲密運神功顯施妙化一如告命恭
 恪奉行

焚普度改貌還形符

元始上帝 太乙玉真 五星正炁 入吾法中
 真人水酒 畜生相形 變為鬼鬼 元逝亡靈
 黃華玉液 日月精英 元皇炁灌 太乙改形
 甲乙為炁 丙丁作形 戊己助炁 炁化作鬼
 聽師經法 鍊度飛昇 急急如
 青玄老君運明保上帝律令

太乙救苦天尊

復質全形四生已鼓舞於化日澡身浴德萬
 類盡灌濯於蘭湯道眾運誠依科沐浴

引七入浴

靈寶領教濟度金書卷之九十六

靈寶領教濟度金書卷之九十七

洞微高士開光救苦真人當今真校

靈寶通玄弘教水南先生林曹真編

科儀立成品青玄

普度淨供儀

慈悲接引天尊 引七至浴所

焚黃炁陽精洞明符

焚普度解穢除塵符

焚普度仙木符

清淨度鬼天尊 引七朝禮

次引幡遠解筵掃掃當中

天尊言混沌判判真粹運行天地人雖分三
 極之殊精炁神實貫一元之妙廻黃抱紫出
 青入玄五炁朝而靈液周流兩半合而雲泉
 灌溉本無飢渴美有汎淪自六賊之搶攘致
 七情之派浪難真喪本心業罪之修趨死
 背生步步輪迴之苦是以清微教主无極道
 師曲闡慈悲化身救苦處青華長樂之界居
 東極妙嚴之宮耀百寶之光明洒一枝之甘
 露設立淨供濟彼飢虛期脫沉冥同登快樂

入齊意我以夙抱真元之志身膺濟度之章
庸按玄科普施法食神光璀璨攝萬類以同
歸寶呪宣揚撒千靈而共享幸離冥漠來親
陽輝宜生欣慶之心共遵道遠之路所冀同
露妙味充滿飢腸悟從前迷妄之非覺本來
正真之性守雄抱雌二大將各按所部節備
形兔前來受食

清涼甘露天尊

移橋至斛前

道眾洒水如常

眾念

功德金色光 輝輝開幽閣 華池流真香
蓮蓋隨雲浮 千靈冲元和 常居十二樓
急宣靈寶音 自在天堂遊

焚甘露符

清涼甘露天尊

慈夫長夜竟 熱惱三途中 猛火入咽喉
常生飢渴念 洒甘露漿 如熱得清涼
神兔生大羅 潤及於一切
焚開咽喉符

清涼甘露天尊

冷冷甘露滋 法味難思議 齋香流七真
明明何生疑 享此法食者 生天登紫微

清涼甘露天尊

眾念中篇旋洒如常

大慈平等天尊

蕩雲廣覆三途除熱惱之悲甘露周流萬類
飽醍醐之味妙哉化育大矣生成惟久滯於
幽闕幸來臨於陽路宿根結滯積業纏繫非
憑鍊質以蕩形為俾超凌而駕景五龍靈籙
黃華飛東井之精九鳳徘徊炎光射朱陵之
炁蓋依秘旨宣演金章召役仙曹歡欣聽命
水火鍊形天尊

焚香謹召青玄黃籙左右府陶真鍊真司官
吏監察司命司官吏領真錄功司官吏持符

告命飛雲通遊移籍司官吏專度曲度普度

司官吏朱陵火府火鍊大將軍火鍊靈官南
昌上官鍊度大將軍鍊度靈官火鍊童子火
鍊玉女黃華治鍊玉女黃華蕩形玉女黃華
鍊質玉女黃華鍊度玉女光容玉女光容童

于瑩身玉女瑩身童子清神玉女清神童子
發光玉女發光童子水火交光大將軍水火
合形大將軍水火聚炁大將軍水火聚神大
將軍金木鍊形玉女金木合炁玉女金木仙
衣玉女金木仙帶玉女金木仙車玉女九天
普度院火府度亡真人水官拔亡真人火鍊
丹界真人水濟無邊真人水火交鍊真人守
雄抱雌二大將鍊度合屬官吏直日功曹主
事願遵玉敕赴玄壇應感分輝宣通役使
竊以青玄開府符經緯以同仁黃籙設官統
陰陽而宣德上藉三天之聖澤下提九地之
恩靈劍佩蟬聯侍赫奕獅頭之座旌旄鸞立
環陸離龍尾之班元勛風著於三靈弘業久
彰於萬劫凡仰召役必沐感通以今奉為蘇
主某聞度某提真此鬱已承帝渥之敷羅鍊
兔南宮更賴神功之妙密玄壇日近朱表風
馳諒上承於德音為曲於辰悃欲望慈悲
廣運智慧張施建派大庭賜金膏而鍊質立
黃華沼注玉醴以澄神運東西離坎之樞機
發南北乾坤之橐籥陶鑄緊鋼百鍊而愈

清既滄昏塵金屢陶而始鑒察其良性錄其善功移名真籍之崇定字仙班之峻專度曲度未超離於神鄉送迎保迎疾飛翔於帝所遂齋主皈依之惻副慈尊開度之仁玄教既頒神功速應其不勝慶祝之至

焚降真召靈符

衆誦謹誦也

謹請水池真靈將吏隨我神運變現水池蕩滌亡鬼

焚青玄建水池符

東井真精 天一生靈 寶光霞映 洞朗八冥 渺渺御運 神輝高明 絡羅燦煥 黃華降澄 煙緯交升 金池方盈 雲暉玉質 飛玄聚英 急急如

青玄老君運明保元上帝律令敕

太乙救苦天尊

謹請水池真靈將吏隨我神運變現水池

鍊亡鬼

焚青玄建水池符

陽光煥赫 高化爰輝 丹陽寶耀 朱陵羅機

派火炎烈 紫金熾燁 絳霞萬道 瓊宮鑿儀 丙丁行事 萬覺敷施 南昌上官 炎帝之居 急急如

青玄老君運明保元上帝律令敕

太乙救苦天尊

挹玄液於月庭素淵瀉潤降炎光於日關朱火輝煌仙靈之冠佩雍雍其聖之節懂濟解雖化城於玄陞實移境於丹宮所宜策將提 謹召守確抱雌二大將追魂攝鬼一行官吏

各按所部部衛形番爾來受錄

今日大慶 大道吉辰 諸天降鑒 萬真齊誼 三界共會 八景合昇 地司列職 拔度幽冥 部衛使者 拘覓增度 引導亡英 受鍊身形 各整威儀 疾速來臨 齊證妙象 上登朱陵 急急如上帝律令敕

移檮插於水火兩池之間

黃華蕩形天尊

謹請水池真人玉童子官吏隨我神運引

導亡故其入赴水池濯質蕩形滌除陰穢

焚普度水君拔亡鍊形符

元始運明 保元天尊 陰陽合具 水火精英 飛靈悉結 水精液君 北方黑帝 水府將軍 司功濟苦 聚鬼度鬼 水光流形 臭穢為塵 驅除惡炁 悉灌身形 鬼鬼全備 超昇朱陵

三十六真人 三十六將軍 玉女擒伏 真人度鬼

紫液悉聚 水灌亡人 六壬六癸 北坎大神 追魂喚鬼 八大神君 引亡攝付 北陰水官

水鈴扶桑 主水調津 手執水枝 先炁鍊形 真人法水 鍊度亡鬼 急急如上帝律令敕

次落北帝 水真水君 主水使者 扶桑大神 真人降水 入於池中 鍊鬼蕩鬼 解穢聚形

鬼鬼全備 隨語往生 朱陵火府 南昌上官 急急如上帝律令敕

焚青玄上仙聖光水鍊符

太乙救苦天尊

誦青玄左府華蓋玄雷真凝炁章

幽微藥宮為仙宅 道貫樞靈圖景白

飛根散葉翳翠條 妙炁三葉貫幽微

鬱靈香淑真人墟 雲景晬奔通烜赫

沉九三五合靈芝 結珠固精神 赤活
 飛煙妙靈却殘凶 鍊獲飛仙去 否厄
 太玄太和左右府 紫清真人道為主
 冲虛恬淡自怡然 返老還胎導玄圃
 知雄守雌資天機 回反乾坤鎮中土
 飛玄神炁合青玄 含藥吐芳明子午
 鍊養靈根不復枯 萬靈朝會群陰覩
 琅音玉霜灌死骸 徘徊沉照須周普
 擒龍捉虎坐塵之 隱韻流音遠妙府
 黃華朱醴灌陽晶 萬道悉為衆仙舉

火鍊丹界天尊

謹請火池真人玉女童子官吏隨我神運引
 導亡故其入赴火池鍊質返陽仙化成人
 焚普度炎帝度亡鍊形符
 元始至真 運明保元 乾坤合道 日月精英
 玉液赤津 紫露盈凝 南方炎帝 擲火大神
 司命保嬰 聚靈鍊形 帝炁神符 火光度冤
 南斗六君 助吾符中 三十六真人 三十六將軍
 守定冤冤 度上南宮 六丙六丁 炎帝侍形
 追冤拘鬼 玉女大神 引亡攝付 火府朱陵

朱陵火鈴 主火火文 手執火劍 三昧火光
 真人寶鈴 離坎鍊魂 燒諸塵垢 臭穢為塵
 急急如上帝律令敕

離昧赤帝 火神炎君 擲火玉女 南斗將軍
 火劍火炁 降入池中 燒魂度鬼 燒煉身形

形影周備 清爽生津 接引亡魂 隨詣超昇
 朱陵火府 南昌上官 急急如上帝律令敕

焚青玄上仙聖光火鍊符

誦青玄右府妙英飛爽集玄炁章

道貫青玄集素端 靈寶飛真瓊妙炁
 生冤育鬼返金谷 五藏生華凝景翠
 三田飛鬱映華峯 寶耀玄皇瑞拱會
 提攜日月運璇璣 九炁發春陽拓地
 含和吐紫耀金蓮 繞龍吐珠呈采翅
 鸞鳴鳳翔對上賓 虎嘯虛巖華曲麗
 洞觀三界百關明 六緯七經齊天地
 飛輪煥景柳炎靈 東井天河灌幽涓
 九龍奔躍審寶園 圓景燦輝總翹響
 飛霞採集咀玉根 二景胎仙生萬靈

千災却消摧凶殘 幽室光明何所繫
 紫華混合青玄宮 電掣雷奔絳霞闕
 雲臺碧落黍米珠 導達光玄煥二炁
 注念左府悟玄機 反復陰陽成上位
 朱陵度命天尊

鍊質蕩形陰累已消於地域復神返赤陽靈
 方證於天衢假五行混合之功成二景參同
 之妙謹名青玄水火交光合形聚炁聚神大
 將軍金木鍊形合炁玉女九天普度院水火
 鍊形真人隨我神運交鍊亡魂合炁聚神全
 形受度

焚太乙注生鍊魂生肝符

東極帝君 日月精英 三台流光 芝英素生
 雷電使者 甲乙將軍 韓君丈人 萬物重聚
 肝膽受炁 炁血通真 亡靈受鍊 超昇上清
 真人濟世 六甲守魂 甲乙為本 庚辛作形
 五行造化 日月光臨 真人布化 九陽護身
 水脫輪迴 注生超昇 蕩除臭穢 黑簿消名
 焚太乙注生鍊魂生心符
 東極帝君 太乙至真 南方赤炁 朱雀飛騰

炎火光進 金鼎丹紅 金光輝照 萬物發生
中疑七鬼 上結三鬼 心腸紫戶 隨蒸而生
内外光照 返形歸嬰 萬神歸室 中宮黃庭
准依帝命 法水生心 太乙守命 五藏生津
騁落蒸聚 中有至真 白元无英 紫葆神公

焚太乙注生鍊鬼生脾符

東極老君 日月精英 九天降蒸 蒸化成形
五藏六府 脾胃命門 三焦蒸聚 泥丸絳宮
太微洞照 內合乾坤 千關百門 天精液君
五色化散 流布成身 龍虎潛伏 四正神寧
塵凡臭穢 稟質成身 水火既濟 符法鍊形
聚真集鬼 妙道長存 萬孽俱斷 一性真宗
三田周備 四肢生津

焚太乙注生鍊鬼生肺符

東極老君 運明至真 西方白蒸 仙化金晶
蒸海下運 蒸血結凝 紫液流滿 玉戶絳宮
肺腸生離 乃及心胃 已枯再榮 已滅復生
九天上化 反復成嬰 臭穢蕩散 表裏洞清
三光垂明 真人灌形 仙人吐潤 鍊度亡鬼
百節骨肉 肝肺心生 金光降蒸 内外朗清

變化自然 六府通具

焚太乙注生鍊鬼生腎符

東極青玄 太乙老君 北方黑蒸 化生命門
丹田兩腎 膀胱下分 太乙守鬼 司命守鬼
飛靈真蒸 蒸入心中 死源斷絕 惡根沉零
五英交會 三時停輪 咸散罪名 注生宮庭
陽魂陰鬼 二炁來迎 神入玉戶 百關生津
五行蒸造 造鍊真形 大明蕩質 玉眸說說
去除塵垢 濟鬼奉行 五藏六府 開化重亨

焚太乙注生鍊度全形符

東極帝君 五方降具 六甲為肝 六庚肺成
丙丁心主 壬癸腎門 戊己脾胃 三焦命中
精朝玉戶 蒸在絳宮 百骸七竅 萬神化生
正炁來尊 日月灌身 四肢具足 回形還嬰
靈寶上章 溟泠玉文 三十六神 追度亡鬼

九天降蒸 太乙虛靈 開化自然 形影合具
太真鍊尸 好生文君 八將玉女 無極度人
真人度鬼 驅除塵穢 浴尸八難 三欲以清
神蒸內灌 脫故鍊新 九地除罪 太乙成形
水火既濟 陰陽運成 五帝助法 萬神咸聞

焚九天普度亡鬼成形符

九天上帝 元始至真 太乙召亡 真人度鬼
一炁成十 百千萬人 清水入形 一一還嬰
五藏六府 四肢皆成 臣德符呪 玄上玉文
三宮昇降 往來無窮 五苦咸解 萬神保明
飛光昱昱 普告萬靈 助吾大道 太乙內經
符到為形 注生凡塵 玉文符召 普度亡人
玉女守尸 真人化身 日月精蒸 陰陽乾坤
萬象合道 鬼鬼合成 萬邪潛伏 百關生津
北陰獄神 稽首上清

誦青玄鍊鬼玉章

太上初炁混陰陽 水火既濟方玄黃
鍊質玉容合仙品 飄飄飛步遊仙鄉
滓穢消除神明清 霞衣錦佩光琳琅
靈寶青玄无上聖 開度功德不可量
一聲玄梵徹三界 綿綿道德生仙鄉

服六銖而映三光幸巖容止導五靈而起二
景將及形神惟陽境之久離慮陰關之乍脫
性天幽鬱罔明解脫之機心地蒙迷莫認逍
逸之路倘不受持於經戒曷能保度於劫輪
仰三途五苦之慮專實萬類群靈之慧遲將
依玉笈肆演金科當煎芥以披宣宜勤舉而
聽受

移禧來法座前
智慧頌

智慧起本初 朗朗超十方 結空峙玄霄
諸天挹流芳 其妙難思議 虛感真實通
有有竟不有 无无无不无

智慧常觀身 學道之所先 紛紛任玄肆
自然錄我神 天專常擁護 魔王為保言
晃晃金剛體 超超太上前

智慧生戒根 真道成為主 三寶由是興
高仙所崇授 泛此不死舟 倏忽濟大有
當此說戒時 諸天皆稽首

億劫化身天尊

我聞元始天尊昔在香林園內與无極聖眾
演說玄一了達希微放九色微妙光明照十
方无極世界上下洞徹等若瑠璃乃見九幽
地獄受苦眾生倏忽之間萬死萬生報盡輪
轉化形畜生或得為人身相不具奴婢下賤
孤露貧寒億劫不休實堪憐憫時有法解真
人上白天尊言如此罪惡受苦無已前生今
世何因何緣天尊答曰世末時訛人民流偽
為善者少為惡者多營造罪根結諸惡業自
作自受猶響應聲然劫說之亦難可盡畧舉
其要名曰三途五苦八難此等罪趣出離最
難非我法門無由超度三途者一曰地獄考
對前非二曰畜生償酬往業三曰餓鬼苦對
最深渴飲火精飢食屎炭五苦者一曰刀山
二曰劔樹三曰銅柱四曰鑊湯五曰連沒冥
波八難者一曰得生人道難二曰去女為男
難三曰形體完全難四曰得生中土難五曰
值有道君父難六曰稟性慈仁難七曰值國
土太平難八曰與三寶相遇難如是諸苦流

浪不還展轉漂沈與道長隔耽淫五濁執滯
六情外觸內侵狹纏禍漆一失人路墜地獄
中長夜冥冥無由解脫過此境界東極天中
有壽聲救苦天尊大慈仁者發弘普願普救
眾生億億劫中度人無量但能回向一念皈
依往想專容稱揚名號畢聲赴感應念垂慈
一切苦中無不救護天尊又曰若有眾生三
業淨者不墮三途五毒淨者即離五苦修八
行者超度八難與道合真亡故某藉東極之
慈光形鬼受鍊離北都之幽暗步武登真可
謂萬劫遭逢風生慶幸尚慮宿根貪著業性
顛蒙一有背道忘真坐使前功頓廢我今遵
依經旨宣示戒條立三寶以證明仗眾真而
監度願歸正道證立本心保護受持勤奉皈
命先稱三寶次演戒文清眾運誠人各恭敬

按人各恭敬

宣告亡靈皈依

无上道寶元始天尊

道寶讚

稽首皈依道 大元元始尊 杳冥開祖劫

混沌立天根 願施方便力 接引此靈鬼

和往生神仙界

宣告亡靈皈依

无上經寶靈寶天尊

經寶讚

稽首皈依經 靈寶洞玄君

鍊金成鳳象

捧玉寫龍文 願施方便力

接引此亡鬼

和往生神仙界

宣告亡靈皈依

无上師寶道德天尊

師寶讚

稽首皈依師 神寶洞神君

先天傳大教

浩劫指迷津 願垂方便力

接引此亡鬼

和往生神仙界

宣告亡靈皈依

青玄教苦太乙天尊

太乙讚

稽首皈依玄 尋聲救苦尊

九幽蒙德澤

德劫度沉淪 願施慈惠力

接引此靈鬼

和往生神仙界

向來所說

三寶上帝摩訶東極慈尊微稱生乎自然隱於空洞二儀藉以覆載萬物賴以生成宜堅尊禮之誠永奉玄元之教今當敷揚妙戒開朗昏迷夫戒者智慧昭彰圓通無礙受持之後即有虛空鑒察上聖天眞鑒映行藏絲毫不漏宜勤諦受道不負八倘猶懈怠身心始終異向再淪陰境善果難逢伏願專意靜心肅容端己誓勤侍奉勿收真功必得劫劫長存世世受福不經苦惱身有光明永侍仙官常依正道請端容止恭聽宣傳

大慈說戒天尊

北帝頌

善哉元始尊 衆生慈父母 傾光紫微宮 曲映九幽戶 裁裁丘寒庭 回照朗冰浦 炎炎烈火獄 沛然洒法雨 圓通大衆智 常善濟衆苦 拔度長夜鬼 今得稽首禮 天尊言欲免三途當淨三業淨殺偷盜是名身業嗔貪惡癡是名心業綺語妄言兩舌惡罵是名口業此十惡根障蔽善緣滋生罪惱

若能清淨永免三途和惟願亡靈持心聽受

天尊言欲離五苦當淨五毒眼觀五色耳聽五聲鼻貪五香舌知五味心生五欲此五毒根終劫纏綿無由解釋若能清淨永除五苦和惟願亡靈持心聽受

天尊言欲超八難當修八行一曰孝行二曰慈仁三曰貞廉四曰忠信五曰善忍六曰柔和七曰奉戒持齋冥心大道八曰平等接物無有寬親以此薰修善功充滿身超八難永契真階和惟願亡靈持心聽受

慈悲證戒天尊

奉戒頌

道爲無心宗 一切作福田 立功无定主 本願各由人 虛已應衆生 注心莫不均 大聖崇至教 亦由兩降天 高陵靡不周 常卑故成洲 海爲百川王 是能舍龍鱗 萬劫保智用 豈但在厥年 奉戒不暫虧 世世善結緣 精思念大乘 會當體道眞 天尊告法解曰此上法門修行要義轉入妙證道登眞三世天尊十方大聖皆修此行

昇入無為汝以慈悲憫念群品應當敷演宣
 示未聞俾苦海愛河咸知修奉出煩惱網斷
 疑惑根登解脫山到逍遙境身心清靜深入
 法門今者依按玄科敷陳淨供代
 天尊而說戒起眾類以登真自此業垢澄清
 靈源隱寂翔翔青霄之表洞妙金華之臺駕
 景飛玄水無輪轉我今給授戒牒用作依憑
 更運慈悲通宣符籙各宜恭肅一心諦受

宣九龍符 大九龍符

運明誥 生天籙

宣普度券 移籍券

宣超生符 托生符

宣功德牒

向來演說戒章給授符籙並已周圓伏願縱
 步金蓮朝神玉闕辭

三寶以離席隨戒力以登真名注丹書功標
 紫字永無沉墮俱脫苦輪汎乘不死之舟徑
 登長樂之界少須舉送平步登天

寶華圓滿天尊

啓謝

臣聞空洞非迹神交經緯潛孚恍惚無形忝
 應玄黃默契內外混心珠之妙顯微符性玉
 之真匪去匪來奚升奚降臣等奉為赤鍊度
 華仰依玄澤喜遂釐功諒難還於塵範莫稽
 留於法從仰瞻碧漢已傳翠蹕之音俯罄丹
 悰曷挽瓊輿之影臣下情不勝攀戀激切之
 至謹稽首再拜奉送

迴駢頌

謹召九天普度院守雄祀雌二大將青玄黃
 籙專度曲度普度司神史靈官本靖主將副
 將護道監壇諸大元帥疾速部衛令宵所度
 衆薨上詣
 東極注生宮隨品受生一如
 青玄上生律令

宣護送牒

送薨如儀

焚仙薨符

靈寶領教濟度金書卷之九十七

靈寶領教濟度金書卷之九十八同卷九十九同卷

洞微高士開光救苦真人寶金真授

靈寶通玄弘教水南先生林靈真編

科儀立成品青玄黃
錄用

謝恩醮儀

燒香頌

各禮師存念如法

衛靈呪

五星列照 煥明五方 水犀却災 木德致昌
 榮感消禍 太白辟兵 鎮星四據 家國利亨
 列名玉簡 錄字帝房 乘應散景 飛騰大空
 出入冥元 遊宴十方 五雲浮蓋 招神攝風
 役使萬靈 上衛仙翁和與道合具

鳴法鼓二十四通

無上三天玄元始三炁太上老君召出臣等
 身中三五功曹左右官使者侍香金童傳言
 散花玉女五帝真符直日香官各三十二人
 出出者嚴裝關啓玄壇天帝神君當召此間
 土地里域真官正神急上關啓臣今奉為入
 意以今設醮謝恩願得東極青玄妙炁百寶